

聖宋名賢五百家播芳大全文粹卷六

謝表

守

謝除知江寧表

王介甫

竊違詔令經涉歲時先帝登遐既不獲奔馳道路陛下即位又未嘗瞻望闕庭所憂後至之刑誅敢冀就加於官使雖知龜勉尚懼顛隳臣中謝蓋聞因任以責羣材原省以通衆志厥或抱能而可用則雖負疾而見容如臣者逮侍先朝叨官外制倦三許國雖有愚忠役役隨人但尸榮祿銜哀去位嬰疹弥年望絕龍光分投冗散伏遇皇帝陛下紹膺尊極俯燭幽微延之以三節之嚴付之以十城之重比緣禋祀特有褒封申命曲加因郵併賜唯是士風之美素無犴獄之煩久寄託於丘墳粗諳知其間里念雖閉閣殆弗廢於承流以比造朝或未妨於遠疾矧恩勤之已迫且遜避之不容敢不少嘗體力之所任祇奉詔條而爲治冀逃大矣仰

稱殊私

謝除知鎮江表

汪

起廢江湖甫三周於歲筭疏榮觀闕凡四易於州麾嗟治狀之無聞辱除書之屢至人微責重天大恩深伏念臣積冒寵榮浸成衰朽咸謂陳人之安用獨蒙聖主之不忘念嘗陪扈於初年未忍弃捐於中道適當盛際徧歷名藩深行百粵之區遠薄三吳之境茲蓋伏遇 皇帝陛下厲精求治虛已受言擇循良共理之人先憫惻無華之吏故如臣等亦在選中臣敢不共布詔條具宣德意坐攬淮山之形勝深究古今心如江水之朝宗靡忘夙夜

謝除知青州表

歐陽 永叔

掌國五兵叨進中臺之秩宣風一面俾綏東土之人祇荷寵靈徒知隕越中謝伏念臣李非通敏材實空疎幸逢千載之休明誤被三朝之獎擢久陪法從嘗與政機國恩未報而身已先衰世塗可畏而命亦多蹇頓緣災疾遂決退休敢期上惻於皇慈未忍遽捐於舊物而復過推優渥以慰癯殘惟孤拙之无堪蹈艱虞而已甚世之所榮者臣之所懼人以為寵者臣以為憂是敢輒彈悃幅之誠累躓高明之聽迫於危慮罔避煩辭而聖度并容寬其罪戾恩言屢降譬以丁寧知成命之難回勉覩顏而祇受而况全齊舊壤負海奧區民俗富完而鑿井耕田各安其業詔條寬大而奉法守職是以脩官內省庸虛奚勝忝幸此蓋伏遇 皇帝陛下日新求治天覆推仁謂筮履雖為於賤微尚堪收錄而大馬苟曲長於養猶可使令臣敢不策勵疲羸勤思夙夜庶期尺瘁少答鴻私

謝除知忠州表

楊 紱

圭翦昇跡已甘四壁之空玉陛疏恩遽錫一麾之寵雖元化不遺於微小而大明必照於幽深謁地莫違戴天有感中謝伏念臣性姿朴陋才識凡庸諺叨世賞之延獲綴官聯之末窮邊絕塞奔走一生沐兩櫛風辛勤萬狀固低回之已久必操守之弗渝但知繫已以奉公惟務愛民而束吏未嘗枉道將以徇人任勢利之見哈豈

君親之忍負自安有命皆付无心四宰縣封精力盡於此矣兩丞
郡政艱難皆備嘗之身雖困而志益堅家雖貧而節愈厲方厄窮
於蝸舍敢妄意於虎符矧此南賓控夫右蜀儼唐臣之前烈枕邊
子之上流仰 壽皇拔擢之公逢 聖主繼承之盛乃捐重寄以
畀下愚茲蓋伏遇 皇帝陛下祗服禹功欽承舜德本一道以相
守爰奉詒謀資共理之惟良用安遠服致令踈賤誤玷選掄臣敢
不恪守孤忠仰酬洪造豈止躡四賢之後无醜面顏庶幾卒三峽
之間咸歌德意

謝除知青州表

蘇子由

守土无功曠官是懼成命既出懇避无由中謝伏念臣儒術空踈
吏能淺薄早蒙選擢參典方州中被寵光荐履蓋素自懷樸忠而不
顧勵勤拙以自將然自違去中朝流落外補首尾經八年之久左
右无一人之容自分衰朽之餘无復甄升之望頃緣乏使再守別
京獲親日月之光親聞金石之訓粗陳本末方慙尸素之多俯念
孤平尚有駘策之意自違天關曾未朞年亟升待從之榮仍分旌
鉞之寄鴻恩自至莫知其由此蓋伏遇 皇帝陛下天地兼容陶
鈞獨運識馮唐於郎官但取一言寘汲黯於淮陽未忘舊物恩深
不報期銘骨以終身一拙自知誓見危而一節銜命東往誠心內
馳

謝除知遂寧府表

宇文价

高官厚祿无補論思重鎮隆名尚令叨切特煥宸奎之賜俾為晝
綉之榮眷遇非常縻捐莫報臣中謝伏念臣賦才謏溥為學空踈
起自冷官濫陪朝著圓壇前道清問下及於姓名選德對揚玉音
有取於人物由茲親擢疊冒恩除曾未數年備登兩省內省空食
之愧日懷負乘之憂至於長戎部而侍經帷以儀曹而兼鹵簿推
蘇軾還朝之日盡歷厥官而小臣去國之時併尽其職自知非據
理合投閑載惟從欲之仁俾遂丐歸之志矧茲武位望重藩甲
兵兼總於五州節鎮素雄於方面昔二年李嘗分教於諸生今一

星終復提封於千里風俗孰知其易治士民亦得以相安雖自爲謀莫過于此茲蓋伏遇 皇帝陛下勵精圖治虛已納言合四海以爲家視羣臣而若子知臣未諳於民事第有空言察臣素短於吏能責其來効臣敢不祇奉丁寧之訓具宣寬大之恩備數西清實近天威之咫尺究心職事敢忘聖語之褒嘉

謝除知亳州表

歐陽永叔

貳政非材雖獲奉身而退分符善地猶懷切祿之慙祇荷寵靈惟知戰懼中謝伏念臣章句腐儒之孱也豈足經邦斗筭小器之量也寧堪大用而叨塵二府首尾八年荷三朝之誤知罄一心而盡瘁若乃樞機宜慎而見事輒言陷穽當前而橫身不避切尋前載未有能全一昨然出仇家精爲死禍造謗于下者初若合沙之射影但期陰以中人宣言于庭者遂肆鳴梟之惡音動不聞而掩耳賴聖神之在上廓日月之至明采究調評遂投讓賊再念臣性實甚愚而踈於接物事多輕信者蓋以至誠如彼匪人失於泛愛平居握手推期道義之交延咨當朝常巧齒牙之論而未乾薦祿之墨已亦射羿之弓知士其難世必以臣爲戒常情共惡人將不食其餘而臣與遊既昧於擇賢在滿不思於將復自貽禍害幾至顛隕上煩睿聖之保全得完名節於終始洎懇還於重任尤深惻於皇慈雖避寵辭隆僅能去位而清資顯秩愈更叨榮莫逃僥倖之譏實負厚顏之酬斯蓋伏遇 皇帝陛下乾坤大度堯舜至仁察臣自取於怨仇本由孤直憫臣力難於下雪蓋道衰殘既獲免於非辜仍曲從於私欲遂同万物俾无失所之嗟未及餘生敢忘必報之効

謝除右文殿修撰知通州表

胡文定

六押分曹濫預西臺之末議一麾出守許頒東郡之寬條祈閑屢瀆於冕旒從欲漸依於丘壑俯慙羈陋仰戴睿慈中謝伏念臣初乏智能但懷忠信逢辰熙洽亦有意於功名就仕迴環乃自循於分義惜年光之冉二戒心事之營三倚嶠望壺視身猶愧臨流觀

水閱世何求誤蒙文達之知亦預招延之列記螭蚘之冊牘曾靡
崇朝掌鳳閣之絲綸遠膺明命事君者必本於直道知己者難
徇於私情矧居侍從之班敢廢論思之職所志雖期於補報出言
多失於迂愚尚沐恩惠獲叨民社此蓋伏遇 皇帝陛下德侔天
大明並日中親賢否以同仁均顯微而必照欲來忠讜与掩疵瑕
肆塵論撰之資更責循良之效臣敢不益思為美務在守身迹雖
迫於孤危心豈分於中外海邦千里敢安魚稻之居魏闕九重徒
結鼓鍾之戀

謝除知太平州表

洪邁

一麾出守方切兢危三命益恭弗容控避仰 皇天之大造扣丹
地以何言臣中謝伏惟 皇帝陛下睿智有臨神武不殺慕舜之
孝見堯於墻德冠古今而獨尊仁並清寧而徧覆明見万里將大
混於車書子來庶此更精求於岳牧臣家本儒素時无令名濫叨
宏博之科說駕清華之地瀛山抱槩郎省握蘭在紹興之末年
污記注於古史伏遇 皇帝陛下龍飛應運鳳歷紀祥不遺細微
兼取愚鈍遂以詞翰之職獲待清閒之歡雖夙夜應仙許暫來於
天上而塵志未斷旋即墮於人間一去十八年之中三叨二千石
之寄未繇金華郡還紬石室書從珍臺間館之遊勸廣厦細旃之
講真拜李士號名私人受九重知己之殊極三入承明之幸使與
大議不專斯文而臣弱羽不足以當雄風蹇步不足以勝重任上
恩惜於終弃左將寵其餘生李廣數竒徒羨侯於校尉汲黯妄
發敢嘆薄於淮陽臣即以今月二十八日到任上訖伏以郡在江
東昔稱道院地隣淮右今謂壯藩謹當宣布恩威奉行寬大求民
之瘼問俗所宜緩帶輕裘雖弗賢長城於李勣清心省事敢不避
正堂於蓋公庶幾固結本根少復報酬知遇

謝除知襄陽府表

吳璠

四品綴班濫次西清之對十連謀帥誤分北顧之憂揆日臨民望
雲祗命臣中謝伏念臣才非適用生偶逢時星使駸馳絲毫無補

月卿超躡綿薄奚堪荷壽皇四牡拊勞之恩姑使內朝而通籍
值 聖主六龍奮飛之會故慚從列以偷安詎謂鴻私付之劇任
眷言峴首為今國維大將重兵之分屯長江平陸之衝要昔羊祜
之名德唯能懷敵故能安邊如孔明之奇才不先謀人每先治已
得人若此制闢不難昇以非宜受之實懼茲蓋伏遇 皇帝陛下
剛健中正文思聰明地闢天開聖人作而万物覩風行雷厲元首
起而百工熙至求疆場之臣尤重蕃宣之寄顧如臣者蚤受眷知
方聞命而即行擬控辭而不可威顏咫尺臨遣甚優訓誥溫純丁
寧曲尺臣敢不博詢民隱者定戎昭齊其政不易其宜當布周南
之風化備其虞謹守其一務綏禹甸之山川

謝除知舒州表

趙彥丞

上蘄水之更書三周歲筮異桐鄉之新組再剖州符祗荷恩深倍
深兢惕臣中謝伏念臣才非適用識昧通方少本无於官情老粗
諳於世故徒以夙聯屬籍蚤列薦紳奔走期會之煩僅逃曠責推
移日月之久卒之異能須繇贊郡之微勞濫受守邊之優寄不馳
驛騎幸當兵寢之時兼領鐵官偶最錢流之課實推地宝夫豈人
謀嘗因天陞之對揚親被玉音之褒拂初无推轂復使乘轡唯是
同安政當准右考於方志舊為楚國之附庸驗彼民風尚有漢臣
之遺愛豈茲謫薄可稱拊摩此蓋伏遇 皇帝陛下器使羣工鑒
觀万務方當循名責實之際尤重承流宣化之臣謂臣已試牧民

謝除知泉州表

鄭丙

宣力藩條初无善狀陞華書殿忽奉優恩衰朽增榮凌兢罔措
臣中謝伏以周人敬老每問政以乞言漢世選侯或賜金而增秩
必有功而有德斯懋賞以懋官苟非其人曷稱是選伏念臣稟資
甚下任職叨逾 高宗更化之初糾繩李省 壽皇臨御之始分
察憲臺累更使節之華徧歷中都之選掖垣鎖闥初无封駁之能
宗伯天官何有論思之益紬書東觀進讀迹英賜卮酒於使朝宝
宸奎於私室一從外補三易价藩松柏後凋寧改雪霜之操桑榆

晚尚謀田里之歸慶 真主之龍飛借輿人而歎 舜念昔陪於
王邸幸蚤識於天顏敢意記存首加獎勵願 聖主之英俊布滿
周行豈奎畫之褒題乃從隗始年齒雖高而德不稱踐揚滋久而
效未彰靜推將耄之資曷副惟新之化茲蓋伏遇 皇帝陛下履
位中正憲天聰明日月照高衢夙稟生知之德雷風鼓万物孰知
帝力之神方茲初政之施講求尚齒之制捐明光之邃直昇孤遠之
老臣雖故事由常伯而出者間有此除在公議則人品不堪者豈
宜冒處臣敢不益堅素守力企前修賞一人勸千万人推知砥節
以礪行行百里半九十里靡敢倒行而逆施靡竭涓埃仰酬覆燾
謝到任表

留守

留守到任謝上表

歐陽 永叔

守宮鑰之謹嚴敢忘夙夜布政條之纖悉上副憂勤寄任非堪兢
榮並集中謝伏念臣賦才康薄稟數奇屯毀吝交與兩常過實
寵榮踰分動輒招尤念報効之未伸敢不竭忠而盡瘁困風波之
可畏則思遠去以深藏逮此六年外更三守幸偷安而杜口負素
志以媿心朽質易衰已凋零於齒髮良時難得尚希慕於功名豈
謂皇慈未捐舊物擢從支郡委以名都惟此別京舊習孔道簿領
少勤於職事厨傳取悅於路人苟循俗吏之所為雖能免過非有
古人之大節未足報君

留守到任謝上表

蘇 子由

越從散地擢領留都仰戴恩光推知慙懼中謝伏念臣早蒙器使
屢試煩難任重多憂積衰成病乞身閑冷但求安養於餘生絕意
功名不復干求於當世豈謂聖恩未棄見收桑榆枯木再生重沾
雨露自聞此命莫知其由洎獲見於清光復親承於聖訓盡出陶
鈞之化曾微左右之容昔漢宣起張敞於亡徒漢武用安國於梁
獄古或有是今則無之向非日月之照臨不遺隙穴之微陋則已
廢之迹誰肯復收臣敢不勉勵疲駑宣布政令雖天地之恩不報

而犬馬之志長存

留守到任謝上表

南陽重鎮久愧於無功留鑰之人復叨於寵寄祇奉綸綍初見吏民中謝伏惟 皇帝陛下選用列辟藩屏四方獨化陶冶之間不為親踈之異乃眷別都之地實為創業之邦控引大河遠通江海之利列置諸將並擁貔虎之師舟車四馳賓旅存至歷觀近世多用重臣碩省庸虛豈宜忝冒伏念臣遭逢早歲流落中年不意班白之秋置身侍從之列秉持旄鉞鎮撫方州負乘有致寇之憂老病非濟時之器向非荷天地生成之德被日月照臨之明孰為先容保此弱植臣敢不瞻望京邑推廣風教之餘勉強疲驚少致涓埃之報

安撫

蜀帥到任謝上表

潘時

馭壓楚道以蹇帷祗載恩榮深劇切臣中謝伏念臣奮身寒遠遭時盛明幸古入官无孔氏淵源之師友奉公行法愧漢廷篤厚之公卿頃膺名節之頒再見脩門之入郎曹高選少列清蹕既乏馮唐百帝之賢徒起班公登仙之美寔陞廷尉冠諸卿自知糠粃之在前惟恐駑駘之殿後孤立一意莫銷雀角之欺刺口盡言屢批龍鱗之逆雖荷淵衷之洞鑒其如眾口之難調去國逾年起家一節俾免侯瓜之次許趨面棘之朝訓將至于再三感激幾於千方捫參歷井雖重經蜀道之難就日望雲自不覺長安之遠退循懦質曷稱鴻私 陛下剛健粹精聰明淵懿閔勞臣下每觀過以知仁加惠黎元將篤近而幸遠軫念岷峨之瘠廣搜楚漢之官致此迂愚亦預選擇臣敢不深思德意少効忱衷六轡如絲當使西陲之肅八紘莫枕尚成南國之強

潭帥到任謝上表

晁之道

優以祠官方勲厚祿委之帥閩遠冒優除乃參書殿之華以峻中

權之重徒揮感涕有醜衰顏中謝伏念臣艱拙不移朴忠自信願於劇煩之地每玷使令雖之尺寸之功屢塵瘳溼必欲殺身而仰報未嘗干寵以自營既抵大訶猶從寬典許坐縻於廩食獲歸掃於田廬茲畢此生更無餘願豈謂弱植上簡淵衷曲回天光親灑宸翰復與帥師之列還從翰墨之游矧茲長沙素號重鎮江山控帶民物夥繁自慙沉廢之餘不稱循良之選方欣隕首詎敢辭難此蓋伏遇 皇帝陛下聖度天容皇明日照仰神機之獨運動有成功揆和氣之一陶舉無弃物願惟極陋亦不遐遺臣敢不思蓋前愆勉收來効徘徊去國益傾就日之誠感激忘軀終踐暴尸之志

延安帥到任謝上表

晁之道

分陝服之漕權久慙曠職佩延安之將印仍切誤恩寄彌重而江心感益深而隕涕中謝伏念臣稟資孱陋遭世盛隆寢預使令過塵寵渥以至參華秘殿窺乃卷之寶書均禮禁途束九環之金帶並踰分畝深懼顛隕方茲闡治之頒才忽以枵虛而代賁傾慙一割寧佐万分矧惟高奴實稱重鎮控秦門戶制虜襟喉折衝間遣於重臣憂顧每先於他路豈容擗散輒冒詔除此蓋伏遇 皇帝陛下溥若天臨赫然神化无小无大悉主悉臣彼羗獨迷慕義未篤申飭武備以涓天誅臣敢不仰奉聖謀俯嚴師律皇威非震宜遂革於野心駕力何施第永堅於死節

越帥到任謝上表

張全真

領大滌之洞天方養痾於故里懷會稽之印綬遽假寵於名藩拜恩不貲省已增懼中謝伏念臣奮身寒遠操術迂踈早辱聖神之知浸階政事之選曲予泥古既已昧於經權直道事君初不擇於夷險果由踰分遂蹈危機爭前而媒孽者煽浮言之百車附下而文致者溢謗書之盈篋告曾參而三至理或可疑畏楊震之四知初无甚愧賴睿明之洞照察愚悃之无他卒蒙全度之仁俾遂投閑之請不能者止乃分之宜重緣多病早衰水甘棄置敢謂曲成

善貸復預使令眷懷帷幄之舊臣榮昇股肱之近郡審是肇新府
號久駐蹕聲履句踐之故棲厲嘗膽枕戈之志想神禹之遺跡服
卑宮菲食之勞故此回銜之初示同留鑰之重再命而僕曾遜避
之靡容一節以越豈衰遲之敢憚經由行闕賜對便朝進瞻法座
之顛昂恍若鈞天之夢寐親被訓辭之溫厚粲然華袞之光榮近
比所无叨蒙至渥此盖伏遇 皇帝陛下躬堯舜之孝悌可以通
神明法文王之憂勤故能治内外博求良翰共濟康功念茲遺簪
墜履之餘付以皂盖朱幡之寵紆丈二之組視印云初瞻尺五之
天望雲伊迹謹當龜勉從事平易近民宣布恩言庶少蘇於凋瘵
申嚴條教期漸弭於奸偷報國之心捐驅是力

四川安撫到任謝表

京 鏗

抵所領之州遂鼓舜布維新之澤臣中謝伏念臣生長農里遭逢
聖時在高宗紹興之季年監塵末第逮 壽皇之中歲誤玷親除
內贊臺評外分漕計雖憂患相仍再纏於首經亦收召不棄兩辱於
玉書匠卿營繕之靡聞宰掾弥綸之何補愧非言語之選敢期報
聘於鄰疆雅之論思之長安得躋榮於禁闥洎宅牧畀坤維之寄
俾充負為益部之行次對旌一時從臣之功不五旬而躡居於是
職制闡為今日諸侯之長矧數道倍廣於他藩推西陲之一隅當
北敵之三面頃號富饒之最比多趣迫之憂距行闈八千而遙事
每虞於雍塞養重兵六十年之久民已困於征輸必壯猷夙望
克稱於倚毗豈綿力薄才足堪於推擇茲盖伏遇 皇帝陛下奉
元而養万物麗正以照四方詢事考言允符聰明嗣位之託臨政
願治親承精一執中之傳凡見於今茲使令百執之間皆定於昔
者參決万機之日致比隆委及於孤蹤臣敢不戴重華之舊恩布
上聖之初政近考唐相等邊之策遠稽漢臣樂職之詩念國家

之重軍民所宜一體敬子孫之事父母其敢二心

福帥到任謝表

馬大同

起家分閩忻逢舜禪之朝易鎮全閩又進文謨之直顧登對莫裨於初政豈愚忠上合於淵聰既見吏民具宣德意臣中謝臣貢緣未幸遭際明時兩仕於朝存至九卿之班列一官于外備諳四路之駢馳何心毀吝之來但竟風波之險投閑故里寅奉真祠上流忽拜於新除再命旋更於隆委脩門初入當九五大人飛龍之天長樂此來爲二三舊臣歇馬之地民齒繁夥海隅晏清要須威名風望之人乃稱禮樂詩書之帥夫何么麼首預選掄茲蓋伏遇皇帝陛下離照重明鼎新庶政責郡國以治理之效欲田里亡歎愁之心畀臣二千石之章需其方一分之用臣敢不率大綱而不紊去小智之自私上下相安庶自得於湖山之外幽枉必達使如在於畿甸之間勉脩稱職之方是乃報恩之所

閩帥到任謝上表

張全真

召還經幄猥荷記擢就易藩符特蒙委寄布宣聖德慰諭遠民皆云遣政事之舊臣可以識朝廷之至意望云仰戴夾道歡呼始拜命以兢惶既入疆而感涕中謝塔昔旣舉險遠之地爲今東南全盛之邦八郡支分封圻廣袤三山鼎峙形勢尊雄向由劇盜之震驚尋苦庶兵之供億公私垂罄并邑就荒加以田疇亢旱之餘仍當海徼防秋之日宜有撥煩之略以爲善後之圖伏念臣才歷試而不長命數竒而寡與政塗三載曾莫紀於勲勞輔郡兩時亦未聞於課最既道譴訶之域遽陪清燕之間第迫病衰力祈退縮豈謂中宸之眷復分南顧之憂不敢固辭以貽擇事之譏尚期力行以勉報德之効此蓋伏遇 皇帝廓蓋容於天地躬勤儉於家邦明以見幾仁不忘遠察臣久侍帷幄知勤卹之爲先憐臣嘗備藩維粗安靜而不擾潛發獨斷申加茂恩再念臣本出管知最爲孤藐粗由直道不敢愛身願惟閩中稍遠闕下俗旣熾嗇以趨利士多請寄而爲藪固當守法奉公以絕貪冒之私不敢違道干吝而

懷畏避之計專求民瘼以固邦基諒无遠而不聞幸容光之必照
挾知李問羊之數雖愧昔賢易帶牛佩犢之風願師循吏

成都帥到任謝上表

蘇叔黨

西南都會古稱巴蜀之雄表裏山川國本蠶叢之舊土風厚善民
訟簡稀宣布詔條告諭父老咸悉朝廷之意曾不鄙夷其民故擇
宗臣以安遠俗中謝伏念臣斗筭小器樸款凡材生逢日月之明
得遂箕裘之志寅緣肱仕寔被使令蓋嘗試之於邊陲又復寵之
以延閣略无豪髮之補報徒切天地之恩私眷此坤維號稱錦里
其民務本而力穡其士好學而有文組繡被於中原富饒甲於天
下歷觀祖宗之遣帥率比廊廟之偉人願委任之非輕知抚循之
有自四刀見夢著史策以為榮兩使占星候天文而協應如臣才
能无取問望素輕叨冒寵光有覩面目茲蓋伏遇 皇帝陛下則
堯之大法禹之勤建六官而代天三操八柄以馭臣下維念五十
州之遠特軫淵衷必求二千石之良往宣德意知臣愚戇粗守筋
力未衰使之察吏而督奸豈貴邀功而生事邊鄙不從尊庶幾魏
絳之能獄市兼容遠師曹參之治臣敢不益堅素節圖報睿知上
寬宵旰之憂次答生成之造奉天威之咫尺若臨淵冰承王命於
春秋敢忘夙夜

府尹

開封府尹到任謝表

晁之道

河圖列職實儒者之至榮屏翰永流蓋聖時之盛選揣分獨驚感
恩以泣中謝伏念臣早繇際會久玷使令昨自侯藩擢矣天府勉
以孤忠之素守真收夙夜之微勞而材昧撥煩割非游刃恍歲年
之再易宜罪戾之積多敢意加憐更叨外獎惟澶淵之故地控朔
漠之上游自昔守臣率時名輩矧茲延閣尤號華塗儲書溢於上
臺分職尊於冊府悉容僥冒並集兢慙此蓋伏遇 皇帝陛下恩
撫万邦之凝庶績先慈儉以風四海開仁壽以納斯民故於共治
之臣尤惟一時之選載推今日之除擢特出九重之眷知願承清

燕之間親稟訓敕而去請既弗獲理當即行不勝犬馬之情但極
軒墀之亦然臣端逢休運爰對清光每瞻獨斷之明備識好生之
德敢不勉驅駑蹇少効涓埃禁暴戢奸庶不生事奉法循理必期
便民獲殫九死之心敢憚三年之計

聖宋名賢五百家播芳大全文粹卷七

謝表

到任

漕使

關中漕到任謝表

晁之道

總戎塞上方玷新除轉漕關中復留舊任仍緣寵擢遂進職名初
無橫草之功過沐流根之澤外慙實試中愧空餐中謝伏念臣稟
質至愚遭時極盛自負平生之所學庶幾夙志之可償頃自朔方
改從陝服親承訓敕勉就涓埃敢期下照之明亟預中權之選大
懼稟姿之駑蹇不能宣國之威靈還即故官重慙非據因加誤獎
尤愧無名茲當畢命以馳驅或可酬恩於萬一此蓋伏遇 皇帝
陛下天臨無外器使推公號令一出於至仁覆載幸歸於洪造肆
容孤陋備竊寵榮臣敢不戒昨已非勉今未及願終軍請纓之志
深愧前修思晁錯實粟之謀尚期末効

江西副運使到任謝表

趙善俊

假節閩中方露引嫌之奏乘輅江表載叨易地之恩穹造曲加淵
兢靡所臣中謝伏念臣秉質孱菲託曾神明高廣御圖濫巾於賜
第之後 壽皇撫運彰纓於進德之前再聯郎省之清班三竊邊
方之要闡兩持使節四把州麾初無蚍蜉蟻子之容竒恃為地盡出
蟬蛻蠖渡之眷幸豈非天不惟離明繼照之辰方當鼎新凝命之日
敢期隆委謬及微蹤雖知勉於轉輸恐難圖於報塞茲蓋伏遇
皇帝陛下紹承聖統親事法宮薦禹於天誕受至尊之付託行舜
之道茂扶盛際之雍熙嚴綜核以臨朝詔黜陟以馭下雖小大之
材可察然尺寸之用靡非通在東宮參決機務之初固已為國而惜
士茲南面總攬權綱之始蓋亦隨器而使人故此僥踰萃於謫陋
臣敢不益堅晚節靡負壯懷仰疊矩以重規獲事三朝之盛雖薄
材而綿力尚窮五技之施

陝西運判到任謝表

晁之道

恩假州麾迄無善狀寵參漕計亟荷恩私非所堪任惟深感涕中

謝伏念臣偶緣薄技獲並英游當神考作新之時叨塵科級逮泰
陵總核之日謬玷使令材每下而術愈踈力雖勞而効更寡久逃
大譴終至煩言幸賴聖明載加辯察付之支郡責以成功終憑天
地之恩獲展涓埃之効存膺獎擢陪與輸將願省竒孱尋覽有榮
耀此蓋伏遇 皇帝陛下道參堯哲功本禹勤与物皆春四海无
為而自化如日之照羣材不辯而已明遂致么微與塵恩施臣敢
不益堅短尚深體至仁更誓靡指必期報稱

運判到任謝上表

晁之道

越從寒谷進望清光亟自冗員預參繁使併軼初志集為汗顏中
謝伏念臣植李弗深直資甚下猥繇經術誤列摺紳隨牒間關忽
坐移於歲月立身露苦敢自必於功名幸逢千載制作之辰竊有
一介激昂之志遂忘駑蹇異効涓埃瞻咫尺於天威被丁寧之聖
訓叨塵採擇辱佐馳驅繼列私嫌存蒙優渥蓋京右之地甚重而
漕輓之務實繁密昇星畿近控關陝歲時謹陵寢之奉緩急備河朔

之虞為官擇人非才不處碩勳至陋冒竊殊私此蓋 皇帝陛下聖
度并容皇明徧照政承帝事德享天心洪河九折而効清靈芝三
秀而薦采茂迎祉福顯告太平臣於斯時獲玷謬寵敢不悉殫綿
力期稱厚恩趣赴事功少佐裕民之政布宣德意少裨愛物之心

江東運判到任謝上表

錢象祖

假守兩州曾無善狀乘輶一道過辱殊私祇事云初撫躬增懼臣
中謝竊惟江表夙重計臺屯戍相望力壯安疆之勢糧儲不乏莫
先飛輓之功况觀九郡之風謠而擅六條之督察采求民瘼稽攷
弊源儻非得人安能勝任伏念臣吏能淺薄幸術空侷再綴班行
顧何裨於省寺游膺都寄第克謹於簿書適值荒年粗逃曠事
臣固不為於赫赫人皆見謂之平平甫及終更敢懷僥望豈謂如
綸之下俾叨持節之行威顏促對於九重愚慮奚伸於一得亟被
玉音之獎實踰華表之褒自遠聞廷采結亦軒之想祇趨封部復
諧將母之安退省遭逢若為稱塞此蓋伏遇 皇帝陛下天臨四
海器使羣才內廣治謨極法度紀綱之盛外嚴使事期德意志慮
之宣退惟冗散之姿曷副簡求之妙臣敢不仰恩隆眷俯激懦衷
靡憚馳驅務使周知於聖化誓公刺舉庶幾不務於訓言

福建運判到任謝上表

沈 伋

三輔守藩已窮鼠技七閩將漕更冒鴻恩碩屢試之罔功惟弗勝
之是懼茲臨封部已見吏民臣中謝伏念臣忝以故家濫登仕版
本乏適時之才術徒懷許國之朴忠撫字一同割雞為愧棲遲半
刺展驥則非誤膺共理之求旋與陟朋之典挽粟駕一封之傳駢
車登九折之塗界以祥刑已持江右之節起之祠館再分析左之
符政則拙而心勞力唯勤而功半誤拜使令之寵尚叨臨遣之榮
惟茲東甌素號清土人鮮力田之業利專煮海之饒輸賦之入有
常鬱南甌之原浸敝欲盡斡旋之妙必資經濟之能豈繫踈庸可當
委寄茲蓋伏遇 皇帝陛下厲精漢治博施堯仁察臣久效於駢
馳痛知德意怜臣備嘗於險阻必達民情出之絲綸寄以耳目臣

敢不將明使拍檢梃吏姦激濁揚清期道續言之責如予為取少裨裕國之勳庶以消埃仰酬海岳

福建運判到任謝表

陳公亮

都司糾察每懼素殮閩部將輸復叨隆委念去國而猶未遠日幸入境而已遂觀風跼躅恩深歡呼德溥臣中謝伏念臣性資朴魯學殖空疎徒知克己以盡公未免直情而忤物賴作成於紹興之舍選飽蒸監者蓋十五年逮龜勉於淳熙之班聯糜瘵稍者幾三十載俟泮宗庠而分教匪異縣尹邦儲而盡瘁則同惟嚴瀨之分符實高宗之潛邸常賦偶叨於奏最殊恩屢沐於疇庸仰蒙聖帝之簡知親被有聲之譽恭值飛龍之賜對側聞平正之稱即庾部而躡進銓曹陟樞屬而遽遷宰掾爰自寵榮之過分每懷更迭之陳情屬當閩漕之闡負未勞弄印俄自都公而承乏竟畀乘軺矧兼八部之轉輸允係四方之觀聽不徒欲餉餽之無闕要須令矣若之周知必得不吐剛茹柔之才乃能稱激濁揚清之職靖言弱質曷際隆知茲蓋伏遇 皇帝陛下履壽如天照臨若日用人惟才之盡發政无遠之忘謂臣久廁於朝行孰知德意知臣自詭於民事欲究謫能遂令衰晚之蹤獲在臨遣之數臣敢不清源正本律郡吏於廉平致慮周思達遐邦之幽枉益窮丹悃仰荅鴻私

江東運判到任謝表

薛叔似

糜廩中都邈無報稱將輸一道復被使令初入境以觀風敢籲天而披露臣中謝伏念臣性資贛拙學術迂踈名弗振於鄉閭分甘從於州縣驟繇冗地躡處榮塗當 壽皇燕翼之時暨 嗣聖龍飛之日俱蒙異眷數近清光徒懷許國之誠以對幽顯殊乏濟時之策有補高明意曠責之難逃賴恩私之曲覆匠監繕修之役亟畀崇班計臺詢度之行旋膺重寄矧茲江左實迹畿封惟使事之繁非他部之比所甚匱者公私之積務先源流本末之求所當恤者休戚之情宜有勞來輔翼之政刺舉官吏之能否維持根本之安強豈伊凡材所克勝任茲蓋伏遇 皇帝陛下體元居正一視

同仁操子奪取捨之公無內外遠近之間伶臣之愚欲稍全其進
退知臣尚壯姑少試以馳驅俯徇卑悰特頒成命臣敢不恪供乃
職惟既厥心表裏江淮因識古今之形勢先華原隰毋忘咫尺之
威顏臣無任

廣西運判到任謝表

朱希顏

上廬陵之印方就日以來歸乘嶺嶠之輶俾觀風而諏度遠民寄
重甯宇因深臣中謝伏念臣智慮弗周才姿曷邁階關一第奔走
四方少焉有志於事功叩閣无路仕則徒勞於州縣推轂何人比
獲覲於威顏乃誤承於睿獎承流易地戴德自天三年控竭於微
誠千里粗安於拙政甫訖代瓜之戍遠分輓粟之權曾何殊功冒
是隆渥眷茲二廣邈在一涯官資煮海之饒民敬嚮鹽之弊碩前
後法令之更定期作於涼而公私利害之多端要歸于是人言弗
壅物理乃宣支體或傷寧免上心之惻怛耳目所寄可志 聖意
之丁寧獨荷主知自矜臣中謝九殞莫酬於洪造一生誓畢於孤忠
惟憂邁踈莫稱期待茲蓋伏遇 皇帝陛下乾坤容覆日月照臨
視民如傷遠弗遺於草芥取人為善微亦逮於芻蕘推擇既寬凡
庸或忝臣敢不勤求民瘼督察吏姦肯使瘠肥有若越秦之視當
令蠻貊同歸堯舜之仁

廣東運判到任謝上表

雷濂

濫司臬事深愧罔功就易計臺敢希誤寵矧部封之如故而教條
之易孚自揆僥踰采增悚懼臣中謝伏念臣稟資蒙陋涉世迂踈
三縮縣章兩紆郡綬惟知奉法以循理敢云孝道而愛人驚歲月
之屢更靡勞能之可紀偶承人乏躡備使華民積困於州縣之苛
吏習嫚於朝廷之遠周圍咨度猥叨廉察之權漢罔闊疏莫著平
反之績深慙尸素恐速譴尤值上聖之作興湛皇恩之溥博嶺海
万里岸獄一空茲曠澤之所覃在微臣而何力豈期差擇驟且輸
將事劇而責深力小而任重望不及此報將謂何茲蓋伏遇 皇
帝陛下如日方中天行健緝熙庶政昭文命以誕敷照臨百官

視重華而允協適際永平之運不忘念遠之圖謂臣粗諳民情或
審裕足之計俾臣肅將使指庶殫奔走之勤惕若懦衷膺此隆委
臣敢不究心夙夜畢力事功要俾上恩徧及閭閻之隱異令遐俗
悉同畿甸之安

湖南運判到任謝表

張 績

推行賜粟之恩本服勤於常職敷錫明綸之寵誤進直於英躔方
謹藩符復更使指驚寵光之頻若循涯分以凌兢臣中謝伏念
臣拔迹寒鄉遭時盛際樸李粗通於章句偶世儒科天威獲望於
清間收塵策府辨曾魚而何有審枋鷄之自安屬以罹憂飄然去
國再忝州麾之寄三分湯節之華廣帝德之好生每期不殺幹邦
儲而護漕必務正辭歲華雖老於簿書民事粗更於輓輓問牛羊
之芻牧委叩天闈歌鴻鴈之劬勞幸安邊瑣拜寵靈之下逮躋
踈遠之不遺道山隔半世之塵夢復疑於徧直湘水鼓春風之棹
試欲反於維縶來從蜀道之天難稍覓長安之日近茲蓋伏
皇帝陛下堯仁舜孝禹儉湯寬躋乾健而昭晉明化行風偃致泰
通而持常久道運日新方恢車攻復古之勲每尺楫樸能官之美
致茲孱瑣嬰玷使令臣敢不夙夜在公冰霜厲志令恪修於庭戶
周詢風俗之便安人自得於湖山務廣朝廷之德

提刑

西川提刑到任謝表

陳履常

惟蜀中之右地乃海內之上游家有刑書知而不犯地為沃野富
以无求圉圉右空袍鼓幾息久安周召之化寢成齊魯之風延見
吏民間以疾苦諭以寬大之意使无鞭撻之憂觀其歡欣見于眉
睫无以為報莫知所言中謝伏念臣賦命數奇與人寡合以記誦
之孝起眈畝之中以刀筆之能供州縣之役居无邑里之吝孰為
先後之容况茲罪戾之餘宜在弃捐之數因緣過聽蒙被誤恩備
負理官久出眾人之後奉使詔獄再為方里之行明大義以決疑
无儒者之効奉三尺以從事有俗吏之譏自知甚明人望何在豈

期幸會復與選中用過其能恩非所望此蓋伏遇 皇帝陛下以神明之德當制作之時樂與諸臣慎守成法明揚不次之位期致非常之人願臣之愚何以為報謹當竭犬馬之力收桑榆之功明慎庶刑尉安遠俗以身立國不知蜀道之難視日近人信有長安之遠臣無任

江西提刑到任謝表

汪彥章

奉將親養人榮故里之歸就易使華地止重湖之隔休舍甬溫於坐席乘輅即次於提封中謝伏念臣本非通材出偶嘉會由銅墨徒勞之賤誤冕旒特達之知兩膺臨遣之榮五玷將明之選比自遐方之內徙幸蒙私計之曲從復被更書俾移鄰部方上聖躰好生之德奉寰區皆遠罪之民所至罔空无煩臺治第負揚於明指實有愧於厚恩茲蓋伏遇 皇帝陛下治本隆寬時臻累洽大為成法於庶言庶獄以罔兼詳責有司恐匹婦匹夫之失所而臣再蒙一路之寄悉在大江之南雖山川封域之或殊而閭里人情之未遠唯當緣飾以經誼不獨拘攣於簡書庶臯陶在泮之風成虞舜畫衣之治刑無刑而廣上意敢不尽心老吾老以及人親尚期從欲

永興提刑到任謝表

李成季

從事府僚訖无善狀詳刑陝部遽忝誤恩祇命入疆撫躬失次中謝伏念臣學非知奧才不逮中晚綴辭科濫登仕版猶未弃詩書之習初不更州縣之勞講藝泮宮无以應諸生之問校文芸閣莫能窮未見之書朝廷勸養之甚優事業空踈而幾廢低徊末路漸貧盛時未嘗赫赫以動人姑幸循循而寡過勉從吏責出佐藩方甫及再暮而還寢遷大尹之佐頌浩穰之多責益躡勉以自持實有愧於吏能偶遂逃於官謗屬以田廬蕪沒兄弟彫零孤窮不收嫁娶未畢事君之義固内外以一心在臣之私有出處之異勢屢彈愚懇過覲便州豈謂天能聽而弗違日雖幽而必照不加以罪曲盡其情特優假於使華俾分持於邦憲量材非稱冒寵若驚况

關中之奧區為天下之劇部廣輪者三千里襟帶者十八州氣俗
喜爭動成抵冒山林多阻易致奪攘必得通明之才以均察治之
寄如臣煩闇遇事闊踈雖知任大而盡心尤恐力微而敗責此蓋
伏遇 皇帝陛下性齊舜哲政邁湯仁表德禮以示人曾誠明而
格物將使路遺不顧人有夷齊之心田畔相推家成虞芮之俗臣
敢不仰思欽恤俯務靜安閑於無事之時衡以至公之聽鄉鄰不
擾犴獄無留拉彘夙夕之勤力圖毫末之效澄清之志非敢望於
古人忠厚之風期少裨於聖治

京東西提刑到任謝表

李成季

詳刑挾右已之事功易部畿東再叨恩旨量材非稱載寵若驚中
謝伏念臣賦性迂踈聞道蹇淺沾濡薄祿游泳聖時李文未去其
陳言從更不聞於善狀亦嘗陪書林之豪秀佐天府之浩繁必有
可觀未始錚錚而驚世竟無他異但能碌碌以同塵屢懇便州遂
分煩使事滋多而智窘責已重而心危勵志竭精知蠢愚之無補

累日易月頓罪戾之益深久玷官聯坐糜廩給方申前請復俾就
遷既奔命以戴星徒搢心而望日惟京都之舊壤連海岱之故區
生齒寔繁獄訟惟冗豈惟尋緩可使澄清攬轡登車慙非任使過
家上塚預有光榮此蓋伏遇 皇帝陛下堯性自天舜功成物措
世於中和之域道民於禮義之風將使四海為家有外戶之不閉
羣生成遂無一夫之向隅臣濫總刑章恭承德意敢不究心審閱
先事禁防寬猛以和上下無擾勉立消塵之效仰酬覆載之恩

京東東路提刑到任謝表

李成季

承乏再葺訖無裨報易官東部尚玷恩榮循省已還兢凌失措中
謝伏念臣學非稊魯古才不過人晚登仕版之榮寢通朝藉之貴兩
叨持節三見周星疾病相仍安恤陰陽之患精神具耗敢言犬馬
之勞多庸近迂積憂成畏姑幸屏心而遠罪未嘗飾智以近名審
閱獄辭唯恐失好生之意爰除偷黨庶幾惟瘳惡之風間屬年
穀順成生民咸遂桴鼓之驚幾息析楊之繫亦稀皆神明之化陶

成非奔走之臣能預方將束裝待罪指日言歸豈謂寬恩復更華
使去長安之日雖遙千里之圍望岱宗之雲猶均一雨之潤文書
有報復之速吏卒無將迎之勞昔乃吾鄰盡爲屬郡今雖別部曾
是故僚顧如此之便安實非臣之覬望而况全齊大國瀕海奧區
水極魚監之饒陸多桑泉之美大姓挾貲而犯法細民禦貨以爲
姦非有強明之才孰分察治之寄自惟迂暗難稱使令此蓋伏遇
皇帝陛下憲天聰明體道變化紹復先王之政圖終寧考之功御
一世之英豪納四方於仁壽夫何微品亦備下寮謂臣無他已嘗
試之任使察臣寡過猶將責以事功蓋天地至大而无私日月雖
幽而必照敢不勉脩官責祇奉憲條察碎于差庶不愆於明慎除
惡務本使無害於善柔誓有補於消塵期少酬於覆載

江西提刑到任謝上表

陸 洸

充負司庾初無斂散之功易節祥刑復玷平反之寄望輕責重感
極涕零臣中謝伏念臣樛櫟凡材箕裘末季壯心凋落嗟勳業之
無涯晚歲侵尋拉言樸忠之自守差池郡縣奔走埃塵剖竹湖陰素
乏循良之譽登車江右曾微排幹之勞且黜而遷以榮爲懼頃嘗
攝事雖粗諳珥筆之風今拜誤恩豈足贊畫衣之治而况案牘山
積銘笏日滋非于定國之平何以雨東海之旱匪顏真卿之敏安
能雪五原之冤必得惟明克允之倫乃稱從欲以治之意願如蒙
鄙曷副選掄茲蓋伏遇 皇帝陛下舜德好生文心克宅期有司
之不犯貴庶獄之罔兼遂令踈遠之臣就試簡孚之聽臣敢不仰
遵聖訓俯枕吏姦躄漢罔之闊踈俾皆遠罪廣周家之忠厚庶使
與仁

提舉

淮東提舉到任謝表

汪 彥章

臨遣江壻方冒貴成之寵改除淮甸更叨從欲之仁即至封陞具
宣德意蓋始望未嘗及此雖自謀何以過於中謝伏念臣綿力薄
材寒鄉悴族早龔指紳之後浸膺鞭策之榮往蒞閩區无補摘山

之政洎歸魏闕遠分原隰之華入承當守之清間申喻理財之曲折及瓜尚遠索米為憂蒙造物之寬恩與臨流之近地謂一方稍病失春耕秋斂之常欲比屋皆蘇宜朝令力行之速其布哀矜之指以寬流冗之民豈臣蠢愚堪此優寄此蓋伏遇 皇帝陛下恢張治具駕馭人材垂衡聽以並觀遇寸長而必錄有如孱瑣亦玷使令臣敢不仰承睿訓之丁寧不誤淵衷之紹述每懷靡及寧辭四牡之駟驅迄用有成願上三年之詠永

江西提舉到任謝上表

趙 汝謙

假守光山上印僅逃於曠敗馳軺江右頌綸復玷於使令還家無坐席之溫申詔有促行之命戴天施厚伏地慚深臣中謝伏念臣稟資迂踈臨事樸拙曩繇塵埃之末吏獲對日月之清光恩疏更秩之榮仕重守民之寄服勞叢邑尺瘁邊州自慚已試之罔功每恥詭隨而希進敢祈今日荐被眷知廼蒙超躡之峻除曲荷生成之洪造第愧駑材之鈍莫勝駒隰之駟矧是提封實惟劇部常平數廣寧免於具文茶推事叢尚多於積蠹必得財貨源流之道始知公私取予之宜豈茲謫能冒祈隆委茲蓋伏遇 皇帝陛下知人則哲視遠惟明念臣節用以愛民或可提邦財之斂散灼臣奉公而守法庶能察吏治之否臧假之重權責以成效臣敢不肅將上旨激勵夙心攬轡澄清益佩光華之寵問民疾苦仰酬覆露之仁

江西提舉到任謝表

黃 維之

承流支郡方慚滿歲之罔功秉傳鄰封切切疏恩之躡等不崇朝而及境即交印以觀風揣小己之非宜報大恩而何以臣中謝伏念臣蚤游庠序本起農家荷高宗之教育十三年沉淪舍選願壽皇之朝班四五考踳躅周行初列屬於成均繼負丞於棘寺懇求外補因獲對揚抖擻愚衷謨蒙嘉納馴致孤蹤之繇旣久安衡宇以徜徉已列朝冠俄紆郡紱人沮西華之為大天開虞帝之達聰畀星渚之名邦號江東之道院地荒民寡田疇賦苛庭有鉅筭

人无根蒂雀鼠角牙之莫辨鴈鳧去集之无常第行王政之中和
仰體詔條之寬大講求民瘼禁扼吏姦民瘼未除惟恐拊摩之弗
至吏姦或露寧容登華朴之不施悉出公心初无偏徇以短繁讀注
䟽之眼而閱案牘曲直自分以大文字食辛菲鹽之味而措賦財經
常亦足秋稅減多收之耗夏場蠲糜費之煩趣以農時年有豐
登之慶爲之醫藥户无瘠癯之憂如臣至愚何力之有端自聖神
之作潛來天地之和久此尸官亦逃司敗初書下下之考遽切皇
皇之華黃海摘山茲固儒臣之短拙盈倉億庾亦知仁政之發施
誓殫尺寸之長少効毫分之補茲蓋伏遇 皇帝陛下離明麗正
乾健自強堯盛舜隆不外執中之道武承文顯迄成卒伐之功謹
初政之權輿寄外臺之耳目知臣究心撫字必能持斂散之權察
臣稟性蠢愚決不負將明之寄援之斗疊昇以星軺臣謹當祗佩
龍光載鞭駑鈍奉六條而察二千石要當激濁以揚清馳四牡而
行十一州務在膏澤而醒囑

浙西提舉到任謝表

張孝芳

攝承郎省方懼曠稟廉問郊圻遠塵差擇甫出闕門之外旋駢封
域之中延見吏民布宣德意愧寵靈之誤及稟縣薄之弗任臣中
謝伏念臣性本鈍遲李穎迂闊服勤吏事初絕望於榮塗公被序
書遂特蒙於嚴召周旋李館坐閱四基綴緝容臺亦幾兩載星問
兼綜殊乏微勞天陛對揚曾亡奇策循內外更迭之制自詭治民
遭神聖特達之知過叨煩使光華所被冒昧難勝仰推勸精之初
方舉責實之政分道而置擇人以公睠三吳之隩區繫千里之近
甸本根攸繫膏澤且先并兼莫戢而利盡於富強賦役不均而害
偏於貧弱課嚴筦推未究斯民生聚之原法備常平尚失先王斂
散之義吏治之臧否或浮於事實民情之疾苦猶壅於上聞必得
忠信之人乃副將明之寄顧如駑劣亦與巽掄茲蓋伏遇 皇帝
陛下器使臣工試其政事恩施萌隸首自京師謂臣生長閭閻頗
知利疾念臣更歷州縣粗守廉隅拔諸庶僚之卑付以一節之重臣

敢不虛心諏度悉力馳驅散利薄征深躡聖朝之寬政愛人節用
勉思先哲之格言庶少効於涓埃用仰酬於覆載

淮東提舉到任謝表

李祥

十載周行官有慚於宿業八州漢部計豈任於乘輅誤玷選掄俯
深兢厲中謝伏念臣膠庠陶化州縣服勞曾微試吏之寸長粗識
立身之大節入官一閏已甘老於選階出命九重爰濫班於朝序
冒成均之講誦贊農扈之經常右府編摩太宗佐貳繇憲曲且兼
攝躡武監之陞遷皆非夢想之所期率自聖神之博取頻露踐吏
之請訖叨隆指之將載惟南渡財賦之淵尤藉東淮漕弊之利重
時民事加惠邊氓所宜妙簡於賢能乃始不孤於鞭馭傳聞疇曩
賦入浩繁資公私冒沒以无厭食致內外徵求之咸萃開耗蠹之門
而不得革其弊掣刺卒之肘而罔獲尺其公鑿鑿一鄉之富民長
作百家之怨府雖清朝擇人以甚遴而寒士得此以為憂共惟
壽皇臨遣之長補究在契設施之要粵從近歲稍用儒生謂其禍

福不計其身謀利害必先於國慮有如庸瑣胡取馳驅茲蓋伏遇
皇帝陛下出震當陽重離繼照軫十聖神州之念重兩淮鹽筴之
優知臣莫若君曾是議堂之參決與人不求備一遵聖帝之規撫
遂致孤微亦蒙任使臣敢不恪恭吏責寅奉詔條薦章靡徇於人
信惟公是舉鹽木毋虧於亭戶厥利自優服壽皇臨遣之訓詞
酬睿主兼容之恩紀

浙東提舉到任謝表

表說友

一再命以為州咸無善狀六百石以察部誤拜渥恩身慚安便之
為優眾謂甄陞之特異乾坤德大毫髮命輕臣中謝竊惟歛散之
微權莫重常平之使者山澤之利以裕國倉庾之儲均於民惟源
流本末之阜通則上下有無之兼足豈特欲九年之益蓄亦戒夫
一孔之不遺恪持經常當辨取予至於民情休戚之本吏治否臧
之分事每墜於上聞澤乃周於下布求稱厥職蓋難其人如臣慙
愚殖學荒淺謂其常更中外之職有志斯人尚可俾乘輅傳之馳

往承休德庶以異時布宜寬大之意而為今日激揚清濁之公曾
下下之考而未書廼皇皇者華而遽遣就臨所部實寵其行茲蓋
伏遇 皇帝陛下器使羣工鑑觀庶物與我共理儻田里有庶民
之安惟爾之能則命秩示列城之勸博求膚使下及孤蹤臣敢不
遵其所聞期於不負無政事則財用不足肯務空言或登攬有澄
清之風尚希前哲力殫素學仰答殊知

江東提舉到任謝表

周

必正

公朝遣使常求拔萃之賢小已何功誤沐臨軒之寵未遠長安之
日已觀屬部之風佩上德以惟深揆凡才而不稱臣中謝伏念臣
本非時用粗讀父書少嘗有意於功名晚分徒勞於州縣偶因論
薦荐被弓招繼荷選掄得塵班列旋引親嫌而外補猶希幼學而
壯行周旋兩郡之間在再十年之久齒髮已踰於耳順樵漁屢決
於心盟自甘平進之餘生無復叨榮於末路忽蒙記錄使玷將明煮海
摘山豈特奏征商之課左食右粥願首推濟眾之仁雖云自信於
顛蒙終恐莫伸於報効茲蓋伏遇 皇帝陛下道隆堯舜運濟成
康當飛龍御宇之初擴威鳳來儀之化賜對廣君臨之照聽言志
日異之勞天表粹和玉音恩厚察至惠而屢獎謂三策之可行既
矜疎賤以兼收足認隆寬而盡下致茲公陋亦預使令臣敢不祇
服聖言勤求民瘼宜惻怛於困窮之際謹咨詢於原隰之中遠有
光華奉天威於咫尺庶无罪悔助帝力於毫分

廣南提舉到任謝表

王

光祖

方海邦之秩滿僅免曠官適鹽筴之議更遽叨煩使聖恩天大臣
命毫輕曾豈憚於駘馳第當勤於咨度臣中謝伏念臣備嘗州縣
綿歷歲時領瓊管之一麾涉鯨波之萬里絕无榮望驟被嚴除念
昔充漕幕之負笈躬督離丁之役權歸公上利盡計司故有一十餘
庫之贏資可當一十五州之經費頃緣湖寇橫絕淮南商諸路悉仰
給此間大農乃增羨其額及夫兵戈之定無復民旅之來名數空
存公私始困重以累年更張之論至為二廣以通販之謀未始推

原竟成聚訟要之東路便於客鈔西州利在官般俗豈可以強同弊
悉由於偏用推以全而即事毋執一以爲功東不至發泄之不行西
則使事煎而無乏庶幾兩盡奚待多言茲蓋恭遇 皇帝陛下明
照四方智周萬物灼羣情之利病咸與惟新約中道以罷行豈容
循舊至今疵賤得預講求臣敢不拜命周章疚心經畫亭戶失本
柄而散徙首務招徠客舟操空券以稽留亟當趣辦次趨八桂尋
至五羊索要領以奏陳寬冕旒之憂願

聖宋名賢五百家播芳大全文粹卷第七

聖宋名賢五百家播芳大全文粹卷第八

謝到任表

提監

糴使

市舶

提點

制置解監到任謝表

晁之道

參預漕權閱日向淺專司監焚戴恩獨深人微施隆感極涕隕中
謝伏念臣孱嘗有志贛實無他雖慙簿領之小才粗識忠孝之
大節親逢睿聖獲効馳驅遠自漢中近陟關右已深虞於滿溢敢
復冀於超迁惟茲澤寶之興實曰秦關之利乃因任而置使以裕
財而便民豈容甚愚仍玷茲選此蓋伏遇 皇帝陛下仁天徧覆
惠澤旁流和氣所加珍祥自應願已臻於極洽尚申勅於庶工雖
在散才亦加器使積雪百里少裨富國之謀實粟九年更助安邊
之策誓殫死節圖報寵靈

河北糴使到任謝上表

汪彥章

久汙郎選甘爲僕被之行擢領使華叨奉資糧之寄銜命朝離於

觀闕迎親夕至於封陲恩本曲成榮逾始願中謝伏念臣鄉緣朴
學冒處周行甫辟州縣之徒勞即玷朝廷之臨遣寂无稱効積有
悔尤黜持江外之麾收預省中之籍繫上皇保全之厚嗟孤生報
塞之難逮茲煩使之乏人復以薄材而奉詔唯河朔襟喉之地實
兵屯飛輓之衝欲買新陳長有餘而實塞當權輕重无甚賤以傷
農方大計之仰成豈至愚而能辦此盖伏遇 皇帝陛下鼎新庶
政鈞播羣材因時內外而試以百為隨器方圓而取之數路碩斷
斷鼠窮之技雖匪才堪族拳二烏哺之情可无祿養未投閑散仍
獲便安臣敢不力效涓埃无忘夙夜金湯積粟一寬當宁之願憂
犬馬依人日俟乘軺之歸報

福建市舶到任謝表

張遜

星環北極久綴於朝班地重南閩濫司於商船用策羸而入境即
揆日以承勞施厚難量人微知幸臣中謝伏念臣蚤蒙教養晚切
糾名兩任孚民僅外官謗七年就列累冒恩除自知僻守以昧時
輒露忱辭而巧外天聽甚迓人欲必從眷今日通商而置官實成
周司市之遺意无者有利者皇要權取予之宜綏斯來動斯和貴
有招懷之道惟詳加於簡拔庶或見於施為孰謂才卑乃堪器使茲
盖伏遇 皇帝陛下統傳堯舜德廣乾坤務在養民仍寬於征賦
不宝遠物采走於梯航略臣作吏之術踈俾臣重時之貢入雖事
權非諸使之比然責任亦一望之臨臣敢不仰戴鴻私俯竭駑力
忠信以行矣捫心益懼於不能文德以來之誓首无忘於歸美

提點坑冶到任謝表

宋之瑞

三丞洊歷尤慚冊府之華一節疏榮偃冒鍾官之寄即近封而視
印儻遠道以駢車豈伊非材堪此隆委臣中謝切以當今之大計
正仰東南歷觀自昔之利源必資日澤然地宝偶時乎顯晦則貨
泉因是以羸虧欲流布而不窮在幹旋之有道如臣曹昧見謂闊
踈再玷曲臺僅能雅拜晚游中秘滋愧空餐兼慙足攝於郎曹見沈
何聞於古事忽叨是選莫測其由雖口不言錢敢効晉人之俗第

民多盜鑄頗容漢世之姦退自循若為稱塞茲蓋伏遇 皇帝
陛下體元居正足國裕民謂愚臣又汙於周行粗知廉介而儒者
罕通於世務姑試劇繁臣敢不佩九陛之王音走百城之輶傳念
未閑於心計曷致錢流異益示於身先庶臻貫朽

太守

建寧府到任謝表

陳安行

乘障重湖婁上歸田之請出綸九陛更叨易地之榮雖五技
之已窮欲再辭而奚敢衝寒叱馭諷日放條臣中謝伏念臣
奮迹疇單遭時明盛積四紀塵勞之久荷

兩朝眷遇之深

壽皇擢之於平進之中列于內史

陛下起之於外除之際付以大州不勝感厲之誠豈憚驅馳
之遠地廣人衆每思課效之難天崇地卑亟冒陟明之典黽勉
遂周於再歲始終惟恃於一心頃坐病衰游祈閒退曾未蒙於
賜可徒采切於懷歸何意隆恩又叨煩使惟建溪之巨鎮實
聖父之潛藩間出動賢且多時雋然民情剽悍率是輕生俗
尚夸爭易成終訟固當嚴三尺以從事亦必公一心而處平
矧舊嘗屬之元臣而近亦咨於常伯孰云弄印乃及吹竽茲
蓋伏遇

皇帝陛下均愛黎元敷求救守謂量能授任曾何中外之分
而視邦選侯且得禁近之舊故令已試婁忝于宣臣敢不祗
佩鴻私益堅素守誦大禹尚忠之詔當勉課於新庸賦淵明
歸去之辭願早酬於初志

鄂州到任謝表

陳安行

載列簪紳甫即絃琴之御寵分符紱恍驚
詔札之盼仍加贊於隆名示嘗參於法從消辰泣政舉首歸
恩伏念臣才術無庸樸忠自信尊主庇民之素學壯而欲行
奉法循理之公心饑之必食自點太常之第每安文部之銓州

縣徒勞守下惠不卑之節

朝廷盛選厚祈奚舉類之知洎登冊府之清華即冒富州之臨遣適綰賦初當於更制而田租久困於暴征弊悉革於勞緣政務從於寬假偶當路轉聞之力叨脩門再入之榮矧荷

壽皇之簡知每

閱奏篇而推獎左螭記動密侍嚴凝右掖

代言徒嗟翫惕既微東里潤色之善且乏君陳謀猷之嘉委句退閑倏罹艱棘方切過時之慕忽膺共理之求推今武昌蓋昔都會師徒雲萃久留宿將之屯江漢天浮實控上游之勢百賈交會四民錯居止資綏御之兼長何取踈庸之一介茲蓋伏遇皇帝陛下躬舜仁而履壽康秉文德以照臨念其嘗居臣言語侍從之官是以過假論撰著重且之寵施深報淺息重命輕臣敢不誦紫詔之丁寧撫丹心而激方為爾縶絲保障既勤固本之圖乃餼糧積倉更為先事之備庶收薄效少荅隆私

象州到任謝表

高子美

量材東審躋懷退序之虞剖竹南州躡被承宣之寄即工二公始驚寵未安中謝切以周武之仁不泄迹而不忘遠帝堯所病在知人而在安民肆惟僻陋之區尤賴撫循之吏願茲象郡邈在狼荒繫民瘼之難聞宜天心之曲軫必求豈弟式共理平如臣之愚實世所棄橋門壁水嘗被教於先皇槐簡藍袍復蒙恩於陛下一行作吏百不逮人徒欣寸祿之及親未殞微軀而報國夫何遭遇獲備使令此蓋伏遇皇帝陛下如日照臨譬天覆憐罄四海而仰德列多辟以設都謂飾吏莫尚於儒故与人不求其備遂分偏郡姑試老生臣敢不廉謹律身寬平布政勤恤民隱俾亡愁歎之聲茂暢皇風靡間迹遐之壤庶殫駑力上荅龍光

平江到任謝上表

張全真

忱辭屢瀆方甘斧鉞之誅睿睠有加更冒藩維之寄布宣德意周覽民風咸云輟帷幄之舊臣所以惠朝廷之近地雖傷痍之未復知休息之有期責望甚深兢慙罔措中謝伏念臣才不足以任重

智不足以見微向以樸忠親逢睿獎周旋政路但知數馬之恭填
撫帥垣僅戢帶牛之俗甫去朝而再闈蒙趨召於三秋溫詔嗣頒
脩途夙駕密陪清燕榮冠迹聯弟迫衰殘久苦負薪之疾坐尸寵
祿蔑聞橫草之勞再三瀝危悃於冕旒方一報大恩於香火豈謂
隆天之博施未忍棄捐復分便地之名藩曲加任使况闔廬之故
國為行殿之陪都門號龍蛇恍已迷於陳迹臺遊麋鹿敬馬復見
於明時地名富庶而帑廩屢空歲幸豐登而葶苈亡系道夫豈既
愆之力可收共治之功茲蓋伏遇 皇帝陛下勤儉守邦欽明迪
德網羅衆俊休休焉若有容躄貌大臣下下以成其政謂臣守兩
越之地粗免瘵官付臣以三吳之民更觀來効親承稟語不許辭
榮臣敢不殫身以字民力疾以從事儻能小補其敢告勞驟遠楓
宸實馳魂於鳳闕顧瞻梓里庶經始於菟裘尚期終惠之私俾遂
養痾之志

湖州到任謝上表

張 徹

錫對使朝被王音之褒寵承流輔郡拜奎畫之丁寧恩重丘山感
淪骨髓曾靡淹於信次已祗布於教條臣中謝伏念臣才不逮中
智難語上本亡竒於抱負粗有志於事功劇邑字民嘗叨召審偏
州佐治徒効拙勤一麾將至於乘邊六院猥陳於司鼓適王畿之
歲歉將使指以星馳霑品秩之階陞綴宗藩之簿正居軒濫次有
醜素餐敢期命出於九重忽奉對揚於三接天光下逮王色載溫
无狂狷之輸忠荷聖神之過聽百生際遇千載寵榮昇巨屏之蕃
宣佩細書之誨飭時惟古雪竇號名邦事簡俗淳共知非昔政平
訟理莫難今征輸虛積於負逋財貨致虧於本末全賴守臣之
風力式如聖訓之昭回要有通物成務之才乃副治劇抑強之寄
願惟庸陋曷與選掄茲益伏遇 皇帝陛下道際乾坤仁均雨露
與人不求備各盡所能共理必惟良弗輕其任臣敢不仰遵詔旨
俯察民情无愁嘆則田里安勉圖稱職有政事則財用足當務究
心臣無任

湖州到任謝表

張欽夫

奉詔中陞分符近邦已見吏民敬頌條教中謝伏念臣稟資不敏涉道未深誦編簡以窮年粗守趨庭之訓雖江湖之屏迹敢忘向日之心貌茲憂患之餘特軫記憐之舊既將詳試以民事又使密邇於行都賜對昕庭曲形容獎辭闕未更於積日驅車已屆於新封仰在望之雲天依歸曷己願來迎之父老青望謂何此蓋伏遇皇帝陛下勇智繼湯聰明法舜謂意誠心正澄源雖自於朝廷然本固邦寧共理亦資於牧守夫何迂贛乃豫選掄惟是此方素稱瘠土而其輸賦獨重在州編居半雜於山林稔歲猶艱於衣食觀其生理良足與嗟臣謹當咨訪里閭推原根本采陳利害之實仰覲恩澤之流視民如傷用體大君之德意爲國以禮更思先聖之格言

靜江到任謝表

還之寓直假以价藩祗服訓詞已臨官次臣中謝伏念臣稟資甚贛涉道未深徒以蚤被於教忠故亦粗知於守義頃由郎省入侍經帷方聖主之有爲思延忠謹愧六臣之末學無補高明居然半載之間負此素餐之責獨有孤危之迹上塵覆護之私終異便州使歸故里甫及瓜期之近更叨改命之榮此蓋伏遇 皇帝陛下愛養人才重惜名器謂臣鈍不生事或可責以撫摩豈臣愚无它賜示不忍於捐弃惟是桂林之地夙專制閩之權盡護邊亦南極領嶠深虞綿薄莫副使令臣敢不思既厥心克共于事奉法循理期躬率於遐方和衆安民用仰承於皇武

江陵到任謝表

張欽夫

便私有請已愧乘軺改命弥優又叨分闡仰承德意既見吏民臣中謝伏念臣惟全楚之上流實皇家之要屏居吳蜀之會屹形勢之相關控襄沔之衝渺規摹之甚遠自我馬半寧之後亦歲時閱歷之多田土膏腴莫尽新耕之利人煙蕭瑟靡聞舊觀之還既富庶之夫臻諒恢圖之難濟孤聖主有爲之志虛輿人望治之心

謀帥之艱于今尤甚豈茲遴選乃及微臣茲蓋伏遇 皇帝陛下明並日中仁同天大念臣服於先訓亦有意於捐軀謂臣守有愚忠或可望以立事肆加明試不忍遐遺臣敢不務集衆思勉圖來効事君以勿欺爲主期利害之實聞禦侮以得民爲先當本根之力護庶幾毫髮仰答乾坤

平江到任謝表

呂伯恭

隆委難勝期於顛語鳴私曲被遺以便入分書殿之榮光付侯藩之壯不受越常典昭明異恩臣中謝伏念臣際會兩朝推移三紀爵久渝於始願學浸負於初心越從蜀道之歸亟冠禁塗之遠經帷詞禁吏觀銓衡持凌瘁之孤身萃高華之極選志彫氣餒日慙職守之隳責厚憂深居者簡書之畏青災狎至疾疹相乘斬外假於郡章覲遠收於朝蹟瞻茲茂庇近在脩門置身未外於函關傾影忍違於又陞此蓋伏遇 皇帝陛下聖神立極中正體乾宇方物以兼容陶成罔間品羣材而並用陟降无私眇然簪履之微假以蓋帷之施臣敢不敷揚號令懷輯里閭增主之明發任莫追於前悔務民之義疚心尚補於夙愆

筠州到任謝表代

呂伯恭

九畿星拱並受藩條方乘天臨誕敷宸指雖陋邦之代價亦德意之親承且以聖謨告于樂土切以舜門穆三輯瑞以朝諸侯湯網恢恢受球而綴下國思皇盛旦率履舊章肆勤前席之咨溥及左符之寄腹心并險臂指豪英凡拜賜於朱轡咸觀光於丹棨如臣者至謏而拙甚愚以疎弓箕久負於家傳簪笏偶逃於官謗長江右壤筠水附城朐竹使以承流已過斗升之量款楓宸而錫對幸瞻咫尺之顏此蓋伏遇 皇帝陛下濬哲文明剛健中正下天上施酌民瘼以廣求小紀大綱收主威而摠攬遊在山河之外皆如廉陛之前臣敢不遵奉章程慰安黎庶博行教化漸消弭筆之風恪守部封少効挈瓶之智

吉州到任謝表代

埃罪倉曹无裨邦計分憂江國尚玷藩條丁寧臨遣之榮休惕拊
摩之責尤官甫始拊己載驚中謝維是廬陵介於楚甸土膏而人
瘠物夥而俗貧方室連甍剽奪時鳴於桴鼓千艘銜尾轉輸日困
於舳艫匪時通材疇荷隆委如臣者賦資謏薄涉世闊踈兩郡民
編蔑矣慰安之効二年省掾居然尸素之慚亟求襍被之行復與
剖符之寄力綿識眊責重事叢推仰恃於乾坤式俯資於塵露此
盖伏遇 皇帝陛下配天立極繼聖御圖恢宏閔辜網在綱而不
紊操持大柄臂使指而必從雖遠在於江湖猶近臨於軒陛臣敢
不布宣詔令懷輯里閭急効近功忍自謀於寵利深根固本誓勉
盡於拙誠

南安軍到任謝表代

小壘漂搖濫受拊摩之責清都閔遠遠傾就望之誠被飾忱辭冒
聞淵聽中謝曠焉敝邑控彼荒陲大江之南朝貢雖數千里中興
之後生聚餘五十年誰諭民編俾知帝力如臣者置身冗散游世
窮竒蚤厭干戈始悟息兵之深意晚觀詔令稍窺更化之闕規誓
與疲瘡共安易簡恭惟 皇帝陛下妙參乾始靜蹟道原間燕齊
心自得大庭之館監觀孝治不遺小國之臣太極開先万生並育
臣幸同遐俗親見淳風雞犬相聞際粟陸赫胥之盛牛羊考牧皆
車攻吉日之餘

建寧到任謝表代

呂伯恭

輔郡罔功方籲天而瀝瀝潛藩非據乃易地以疏恩優假至深凌
兢曷已伏念臣舊繇平進親受異知參言語侍從之流水逢甚厚
責獻納論思之効稱寒缺然假寵清朔分憂近甸拊摩无術幸及
於食新全度有加訖蒙於念舊惟建溪之作屏實代邸之啓封屬
此丐閑養焉改畀管遊未遠驅馳尚記於壯時民力已殫凋瘵頓
殊於前日姑勉圖於綜理恐終負於使令此盖伏遇 皇帝陛下
明燭万微克綏羣獻本末輕重咸歸統御之中小大短長不出範
圍之外碩如表鈍亦獲更安臣政不上體曲成益思尺瘁土風里

俗雖粗識於二三王澤國章曷布宣於方十

池州到任謝表代

淮濡乘障初无固圉之功江表干城復玷承流之寄甫祗職業恭
布詔條中謝伏念臣繆膺世賞之延濫綴官聯之末役身冗散降
命竒窮使隨牒以成迂適傳烽而做備當戎馬之侵軼暴瀕至危
賴王師之奮張卒獲自保偶逃龜犢之毀復玷魚衍之分矧池陽
之奧區乃江表之重地干戈再戢則必佩服包桑之戒兵農雜居
則必洽比細柳之屯匪時閱材疇荷隆委此蓋伏遇 皇帝陛下
剛健中正齊聖廣淵賜十行之書留神方國考九載之績久任官
師自驚流落之蹤亦預使令之列臣敢不悉循侯度祗若政經輯
寧彫瘵之餘咨度弛張之要道上德意如瞻咫尺之光同衆戚休
敢願斗升之祿

廣德到任謝表代

厲精之朝嚴於置守坦明之訓飭以臨民佩天語以在塗參土風
而問俗切以大江之右一障甚微行闕之旁九畿莫近地輕而責
重賦寡而費多拍日待糧皆尺籍五符之舊無時致餽當大車駟
馬之衝紛罷遣之相仍禦支持之不暇誰與領此斲惟艱哉如臣
者受性顛蒙降材謝薄東西隨牒飽郵傳之風霜且暮坐曲是簿
書之歲月豈期末路驟試小邦茲蓋伏遇 皇帝陛下齊聖廣淵
剛健中正輪運輻集合華夏以來王綱舉網踈總方維而受職矧
在封圻之內實同簾陛之前臣敢不遵奉詔條慰安閭里挈瓶守
智誓殫守邑之勤毀瓦畫墁少答食功之義

黃州到任謝表代

呂伯恭

提邊符而乘障愧非禦侮之材佩郡紱以長民莫稱承流之寄撫
躬跼踖泣事凌兢臣中謝切以羣方國之輿圖大一王之統御地
分遠近之別政有先後之差繫牧守必得夫循良則黔黎庶底乎
康乂睠惟小壘介於長淮雖事簡而俗醇實望輕而責重登覽故
迹多名勝嘯詠之餘參攷前聞亦毫傑馳驅之舊肆求共理必東

異能如臣者樸拙孤蹤凋殘遺疾真心造化已絕意於紫真屈首
簿書第研精於朱墨伏遇 皇帝陛下錫天勇智受命溥將日月
光華悉在照臨之下乾坤高厚咸歸覆燾之中凡茲銅虎之盼尤
謹玉關之戍曾何踈賤亦預選掄臣敢不布宣詔條輯寧閭里挈
瓶守器誓力保於封陲毀瓦畫墁敢坐糜於廩祿

南安軍到任謝表代

職方之籍用列附庸公車之章乃容專達恩既均於率土誠敢後
於籲天中謝惟領下之小邦實江西之稱處旣傳據南北之會廩
稍積前後之增民力彫殘無以追隨他郡地望卑薄不足動搖有
司既弗克勝復難自翹秩居人後憂在衆先如臣者声迹至微技
能甚短折肱州縣雖險阻之少嘗屈首簿書願神明之已耗晚推
遷於宦牒誤畀付於守符若為拊摩以稱臨遣此蓋伏遇 皇帝
陛下敷施鴻化不冒上仁視邦選侯方勞求於召杜考圖數貢亦
罔間於邾滕凡有識知同歸履情臣敢不布宣詔今遵奉科條尺
寸之膚護養何裨於大休斗升之水涵濡終覲於餘波

肝胎軍到任謝表

霍

篋

負丞戎監功无塵露之微假守邊郵恩有乾坤之大疾駭造壘揣
分踰涯臣中謝伏念臣鬢全諸生華門寒緒蚤濫塵於科第旋祗
役於簿書千載江淮粗結功名之想一心夙夜頗嘗幙府之勞適
繇當路之知致有交章之薦謀蒙收召趣對近嚴隆恩過沐於褒
嘉華秩驟膺於陞改憂深自詭方庇職於民封祿甫及親存挺災
於私室偶全屬息始召餘塊已甘永弃於泥塗豈意復燃於灰燼
薰蕕南貨生財之府藉聚材攻木之司綴貞宗寺之班濫吹警坊之
佐方謹依流之進忽叨守土之榮承乏是湏偃躬莫避矧都梁之
畫境貫比鄙之要藩雖无城壁資固圉之雄所賴精神為折衝之
本况貿迁有无欲阜通於尚旅而還定安集在摩撫於民人儻非
練達之才莫副倚毗之寄有如委瑣豈稱選掄茲蓋伏遇 皇帝
陛下离日方升乾剛獨運大明廣照自无遐遠之遺庶政內修將

底版圖之復要領異月氏之得爾然期晉色之能爰軫頤憂遂咨
疇可庸示寸長之錄有光一彰之行臣敢不俯竭愚衷仰酬隆施
車云來北童謠已驗於亡胡馬不牧南史筆載彰於盛世

房州到任謝表

汪

德輪

分五符之守拜宸命以凌兢撫千里之封問遠民之疾苦具宣德
意祇奉詔條臣中謝伏念臣初無己能濫延世賞當高宗履艱
難之運眷大父有陪卮之勞靖康帥府之肇開贊其謀於朔部建
炎王業之再造迄佐命於南京帷幄頻年始終一節由先世効忠
於夾日荷壽皇軫念於凌煙猥及微蹤叨塵煩使昔兩試治中
之任偶被薦揚今甫懷太守之章誤蒙推擇矧房陵之小壘介邊
瑣之窮鄉舍邑稀疎殆若三家之市山蹊險阻其於九折之涂舟
車困而行旅弗通田畝狹而農夫告病頗為彫瘵政賴撫摩切自
揆其庸愚殊未知於報塞茲蓋伏遇皇帝陛下天臨九有子視
羣工用才各其所長與人不求其備察臣及習為吏粗諳法守之
司謂臣或可承流俾膺郡國之寄臣敢不靖共乃職惟既厥心勉
布中和邀在遐荒之域都捐愁嘆示均畿甸之民庶追曠瘵少寬
憂頤

衢州到任謝表

謝

源明

上新安之計苟追譴訶分太末之符洵塵幸擇仰戴君恩之重
俯詣親養之私稱塞為難凌兢靡措臣中謝伏念臣性資窳陋李
殖煙蕪朝暮壑監偶世科之濫切塵埃拙楚甘俗吏之徒勞猥更
治邑之繁誤玷監州之數方時攝守聿力拯飢困受察於中臺浸
承流於偏壘奉十行而宣布粗臻田里之安及再暮而代還復覲
冕旒之邃荷皇慈之曲造界近郡以遣行若古四達之衢貫今
三輔之地舟車交凌雖名走集之衝冠蓋相望要是瑰竒之聚疇
昔每除於法從此來至輟於宰司委倚之隆前後具見曷期品下
亦在選中茲蓋伏遇皇帝陛下錫福寰區留神郡國嚴不臧而
考察申黜陟以觀懲念臣已試之勞嘗叨列上謂臣方來之力尚

足使令臣謹當恪意劭農平心聽訟五百里曰甸幸不違咫尺之威二千石惟良儻自詭万分之効誓圖報上敢揮捐軀

鄂州到任謝表

王

齊興

久汙朝蹟未彈下走之勞旋錫州麾仍付上游之寄儼裝而問川陸涓日以見吏民臣中謝伏念臣自起田廬蚤游庠序沐高宗教養之久嘗與鄉書應紹興科目之求乃膺官使自尉而令由倅以州入掌告身進聯書局察器用之良窳知廩粟之盈虛乃丐外庸更叨煩使釋耒耨而漫仕幾三十年懷印章而迅征為二千石望長安之遠日歎鄂渚之緒風矧吳故都乃今重地舟車輻湊聚商賈之貪廉貔虎雲屯處軍民之雜龍采有剽裁之具恐非牧御之長曾謂謝材可當隆委茲蓋伏遇 皇帝陛下子懷兆民器使羣工謂臣歷州縣之官偶無乏事知臣諳江湖之俗或可分憂雖么麼自揣其分堪而聖明欲令其姑試若為稱塞桀積懼不臣敢不仰膝鴻私痛不伏下欲美化行江漢之域此豈由彈壓而能使庶民安田里之居尚有撫摩而已

肇慶府到任謝表

林

次齡

剖懷澤之符誤玷三年之最瞻與慶之邸又叨再命之榮方觸組以懷歸廼移舟而就任冒恩不次揣己奚堪臣中謝伏念臣仕無他長愚守幼孳三鳴絃於千室之邑或笑其迂兩分刺於十國之連公亦何補久乘一障未見寸功偶塵上考之書復畀潛藩之地倦飛知退姑圖遲次之少安推輓使前敢意後來之居上况累政以虛之後屬積年彫弊之餘非催科撫字兩得其宜則愁恨歎息莫安其所如臣寡用曷稱承流茲蓋伏遇 皇帝陛下聖度并包皇明旁燭極海隅万里之外曾不遐遺如才品一介之微亦分共理臣敢不究心宣布約已拊摩使此郡先王之遺民悉蒙餘澤凡古人循吏之治効敢不存誠

瀘州到任謝表

王

煇月

肅將隆旨甫拜明綸易畀左符亟承新渥念循墻而莫避豈叱馭

之敢辭揣分逾涯拊躬增傷臣中謝伏念臣行能無取牧御非長
三守塞垣迄无善狀再瞻天闕忽冒親除惟梓部之奧區以瀘川
爲重鎮地控雲南之六詔疆連井絡之三邊雖烏言夷面久被於
文明然狼子野心每虞於猾夏必羈縻之有道在震疊以先声盖
德不足則無以服人而智不周則艱於虞敵孔明心戰不專兵戰
之勞德裕難邊悉本籌邊之効得人爲貴從右而然繫關寄以
非輕豈臣愚之所及茲盖伏遇 皇帝陛下曲成万物器使羣工
謂大醫以折臂爲良嘗諳疾苦而剛劑匪養生之具或用膏梁致
此尋庸亦預推擇臣敢不懷威是本明信自將不求赫二之名自
爲身計第守平平之策庶答上恩

泉州到任謝表

鄭 丙

置散投閑將遂歸田之計攝官承乏遽叨乘鄭之行恩重丘山惴
如淵谷臣中謝伏念臣稟資愚下從宦拙疎曷從罔功誤玷承明之
直守藩亡狀自于齊斧之誅仰賴恩私曲從寬貸昇之祠館終厥
天年取禾三百壘方切素飡之愧起家二千石敢圖非分之榮矧
是清涼號爲大府青衫筮仕昔依儉幕之蓮白首重來堪嘆遼城
之鶴井邑如舊耆艾半存在古人以爲身府俱榮何今日乃至公
私交急戍兵供臆帑藏一空夷獠錯居姦僞百出割股啗口至困愈
其將若何剖斗折衡使不爭莫之能及非稟承於聖化曷宣布於
蕃條茲盖伏遇 皇帝陛下自誠而明惟眷作聖不泄迹而志遠
在知人而安民深軫此邦久聞正守送往迎來慮傷公賦匿瑕藏
疾就遣孤臣无待訓詞俾趨職守臣敢不飲冰聞命叱馭戒塗廉
范襦袴之謠式勤今日子產田疇之詠或聽輿人